

COLOVINYL
MOSAICO di PLASTIC

Practico y moderno !!
Un bonito vloor pa cu
sina, pasillo y baño.

FABRIKAAT
LINOLEUM KROMMENIE
MESKER - ARUBA N.V.
TEL. 1325

ARUBA ANSE COURANT



Diario pa



Aruba

KING SIZE COCA-COLA
MORE FOR YOU!

NOW!!
AIRCONDITIONING
FOR
COOLNESS
Tel. 2170



ANJA 23

DIAS HUEBS 11 OCTOBER 1962

No. 4462

Conferencia di Prensa di partidonan Frances di oposicion

INDRA KAMADJOJO A BALIA NA ARUBA

ORANJESTAD — Diamars anochi Indra Kamadjojo, un mensahero di baile di Indonesia y India a duna un presentacion bailable den un sala tres cuartas parte yen di teatro. E programa a ha- cion miencon di bailenan javanes, indico, sumatrans y di Oost-Indie, cu final e Tari-Piring, e conocido baile di cosecha cu belanan, semper un punto culminante den e programan dje calidad aqui.

Bailenan di su pais natal

Indra Kamadjojo a demostra su mes como un mensahero apto di bailenan for di su ciudad natal. Ta facil pa observa den tur su movecion y gestonan cu el a ricibi un instruccion formal di ballet, na cual grammatronan ruso manera Schue- roff a duna nan cooperacion. Casi hende no por kere cu e mensahero aqui, di cual tin hopi cu a bula asina den siglo 15 despues di Cristu, tin 56 anja di edad, ora cu bo mira e maravilla den baila- mentu aqui, yiu di un bestuursambtenaar for di Banjoemas na accion. E ta ma- sha expresivo den bailenan di Hindoe y ta mes modesto den e bailenan javanes. Lastima cu Indra Kamadjojo ta un cuentista menos apasionante cu baila- dor y esei tabata mes lastima pa e pu- blico di habla ingles den e sala, cu no por a sigui e conferencianan hulandes. Pasobra sin tuma nota die splicacionnan dje bailenan, no ta posible pa esnan cu no ta na altura di esaki na comprende loke cu e bailador quier representa.

MORRIS SERPHOS A PAPIA PA ROTARY

ORANJESTAD, 11 oct. — E seman aqui sr. Morris Serphos tabata huesped orador durante e encuentro di miem- bronan di Rotary. En relacion cu e hopi dianan di fiesta hudu cu ta cai den e temporada aqui Sr. Serphos a duna un resenjo dje fondonan historico dje Gran Dia di Reconciliacion i e sistema cu e actual hudunan orthodox i liberal ta celebre. Sr. Serphos a con- ta com intensiva e Gran Dia di Re- conciliacion a ser celebra pa e Comu- nidad Israelitica di Aruba: masha poco bez e snoa nobo aqui tabata mas jen di hende manera riba e dia aqui.

Seman pasa tabatin trobe na Leiden e entrega tradicional di pekele y pan blan- co na ocasion di dia di liberacion di Leiden. Denter di hopi cu a bin tuma nan pekele tabatin tambe un cachor for- nal, aunque cu e no tabata hini na remiara.

PARIS, 11 oct. — E ex prome minister socialista, Guy Mollet, a acusa president De Gaulle ajera, na un con- ferencia comun di prensa dje partidonan di oposicion cu diabierne pasa a tumba gobierno di Pompidou, dichantahe door di amenaza cu el lo retira, cu e pueblo frances voto contra su plan, dia 28 di october proximo. E plan di De Gaulle ta consisti pa cambia constitucion. Y retiro lo nifica un otro violacion di constitucion, segun Mollet.

Manera ta conoci, De Gaulle kier pa e pueblo eligi en adelante e hefe di estado, enbez di via un collegio di elec- cion. Mollet a bisa, cu e proposicion ta trece huntu cuné, peligro di dictadura y guerra civil, y cu e partidonan di oposicion lo defende, democracia y de- rechonan civil.

E conferencia di prensa, cu nan a tene despues cu e eleccion parlamenta- rio a wordu pone pa dia 18 y 25 di november, tabata bao di direccion di Paul Reynoud, un ex prome minister conservativo, y un dje partidonan di oposicion contra e actual proposicion.

Sentencia di tribunal: Intervencion di Estado contra „Caballero” ta ilegal Teksto dje vonnis ta awor publica

(Di nos corr. di Corsow)
Tribunal den prome instancia na Corsow ta di opinion cu Estado a larga terra e fabrica di sigaria „Caballero” na april u.p. ilegalmente y pa motibu di esaki tin di paga e danjo perhuicio ocasiona. E fabrica di sigaria unavez ta- bata estableci caba ora cu gobierno an- tiliano a concedi monopolio na un otro compania di sigaria dje marca „Antilla- na”.

E sentencia aqui nos por a comprende foy teksto dje vonnis. Nos publica cu- ba, cu „Caballero” por larga munstra despues com grandi ta e danjo cu el a sufrí precies.

Cu e vonnis aqui a ser dicidi tambe cerca e procedura dje huez, cu Estado a trata ilegal. Anteriormente esaki a ser confirma caba den huezio sumarisimo. Awor ta existi ainda e posibilidad di continuacion di e procedura den ho- ger beroep, pa cual Estado por tuma e iniciativa.

Sigarianan di e marca „Caballero” ta ser fabrica pa N.V. Handel en Indus- triemaatschappij Camarena na Corsow. E marca „Antillana” ta di N.V. Han- delmaatschappij A. D. Jonckheer. E empresa di Camarena tabata cerra foy dia 10 di april te dia 25 april, despues dje notificacion di Estado, ora cu e

proma sentencia den huezio sumarisimo a pone un fin na e intervencion aqui. Otro seman Dia Viernes Camarena lo por munstra com grandi ta e danjo per- huicio cu el a sufrí pa e cerramentu for- za di su empresa. Manera ta conoci, e interesnan di Camarena ta ser atendi pa abogado mr. P.P.C.H. van de Voort, mientras pa Estado a procede mr. C.H. Govaerts na Curacao.

Na juicio di tribunal e comprension „establecimiento” no ta identico cu „ela pa explotacion”. Tantu un investigacion historico di ley como un splicacion ra- zonal de ley ta yega na e conclusion cu e concedimiento di un monopolio no mester causa perhuicio na otronan cu na e momento ei ta ocupa cu gran inversion y tin tratamientonan serio di preparacion di e empresa. Cerca Ca- marena tabatin asunto di establecimien- to di continuacion di e procedura den ho- ger beroep, pa cual Estado por tuma e iniciativa.

A base di esaki tribunal ta conclui cu requerimiento di Estado pa cerra empresa di Camarena ya nifica un in- tervencion inhistifica di ley contra Marchena, loke tabata ilegal. Dje ma- nera ei Estado tin di paga e danjo per- huicio cu ta consecuencia di cerramentu dje empresa.

OTRO CLUB DI HUBENTUD A WORDE INSTALA: „LES JOYEUX”

ORANJESTAD, 11 oct. — Aruba a bira mas ricu na un club infantil. „Les Joyeux” ta e nombre cu a ser scohi pa e club aqui, pa cual exclusivamente hobenan cu ta trahando por bira miembro. E apertura oficial lo tuma luga dia 20 dje luna aqui durante un fiesta grandi den Eagle Club.

Na Corsow masha tem caba „Les Joyeux” ta un comprension masha co- noci. Aya e club aqui tabata existi ya ta algun tempo caba i aya tambe a tuma e iniciativa pa funda tambe na Aruba un semehante club.

A parece cu esaki no tabata facil, pasobra aunque ta solamente un luna nuna cu e prome contacto cu Corsow a ser realiza, e club „Les Joyeux” ta actualmente na Aruba 50 miembro i tin nan propio directiva di club. Presi- dent ta Eddy Laaf. Demas miembres- nan directiva ta vice-president Ivan Kelly, secretaria Mildred Martha, re- sorero Eveline Bronswinkel, tesoro Watty Vos i lugo e miembronan Myrna Marha, Romo Fingal y Blanca Fingal. Major parti dje miembronan ta di Oran- jestad, pero nan a sigura nos cu „Les Joyeux” ta pa enter Aruba. E fiesta di inauguracion di dia 20 dje luna aqui lo ser probablemente asisti tam- be pa un delegacion for di e club na Corsow.

FATUM — Tel.: 1845
pa tur bo aseguranon

ARUBA AMATEUR RADIO CLUB

SAVANETA — Dia tres di october e reunion anual a tuma luga na Sava- neta, pa elegi directiva nobo pa anja 1962-63. E siguiente nan a worde ele- gi:

President: L.D. Mc. Burney PJ2AF
Vice president: L.P.K. Volney PJ3AO
Secretary: A.S. MacNutt PJ3AC
Treasurer: H.V. Schierenberg PJ3AN
Q.S.L. Manager: S.C. Chapman PJ2AE
Asst. Q.S.L. Manager: J. E. Wanama- ker PJ3AR
Program Manager: M. Sand PJ3AL
Advisor: H. Maasdomme PJ2AQ
Member At Large: M. Angela
House Manager: L.J.A. Halley
Publicity: J. Engelen

E reunion tawata bon atendi. E Pre- sidente saliente, senor J. Downey PJ3AJ a duna un resumen dje actividadnan dje club di e anja cu a termina, y a entrega na e Vice presidente cu a precede duran- te e ausencia dje Presidente cu ta cu vacation. El a gradici e directiva an- terior pa e bon trabao cu nan a haci, y ta spru cu e directiva nobo lo continua pa mantene e club na un mes nivel haltu cu durante e ultimo anja.

E reunion a termina, sigui pa un di- bertico cu refresco cu tur a goza. Senor Wanamaker tawata esun di suer- te e anochi ei, ganando un set di Radio Call books dona pa e Q.S.L. Manager, cua a worde acepta cu un gran ovacion.

Grave accidente na Refineria Lago: Un morto y hopi herido

Ajera tardi algu prome cu 4'or e op- slagtank di Lago den cual tin recidu di acido quimico a skeer parti ariba, door di cual miles gallon dje likido peligroso a basha 'bao. E tanki tin un contenido di 150.000 liter.

Den un tempo masha corto un gran parti dje terreno a ser cubri cu e acido aki y segun noticia cu nos a ricibi esaki a pla- ma over di un terreno di 200 m2.

Hopi di e trahadornan a worde ki- ma y a hanja heridanen leve y otronan grave. Un empleado tabata asina grave- mente herida, cu el a muri dos ora despues den hospital di Lago. Tin un numero di trahadornan gravemente herida, bao di cualnan tin dos gravissimo cu le ora cu nos corant a bai prensa, nos no por a len- de com nan situacion a sigui.

Diferente trahadornan ta ser cuida den hospital di Lago; trobe tabatin hopi otro cu tabata den e territorio na unda e accidente a tuma luga y cu ta keha di di- ficultad den halamentu di rosea como con- secuencia di dampnan dje acido y esaki- nan a ser pasa inmediatamente den centro medico di Lago pa un examinacion me- dico. E acido a afecta nan pulmon.

Motibu dje skeermentu dje tanki te na e momento cu nos corant a bai prensa ta desconoci. E terrible accidente aki a ocasiona gran abalidez den circulonan di nos poblacion.

Number dje defunto ta Tarsicio Kas- ter 45 anja di edad, biba na Jamanota no. 5, casa cu 8 jiu.

Nos condolencia na famianan dje de- funto pa e perdida asina tragica.

Frontera entre Surnam y Guyana Ingles

LONDEN — E procurador general di Guyana Ingles dr. Fenton Ramsahoye a bisa cu e ta spera, cu e kestionnan di frontera diq colonia cu Venezuela y Surnam lo worde regla pa realisacion di independencia di Guyana Ingles.

E procurador general, cu a acom- panja p'e abogado general Mohammed Shanabudeen, a yega akinan pa delibe- racionnan legal en conexcion cu e kestionnan, y pa deliberacion nan intro- duciente pe kestion di independencia ne vespera di e conferencia constitucional cu ta worde inaugura dia 23 di octo- ber. Dr. Ramsahoye, a anuncia, cu ma- yan e lo contra que funcionarionan dje

cu despues nan lo delibera que depar- tamento di exterior. Dr. Cheddi Jagan, prome minister di Guyana Ingles, lo conduci e delegacion dje colonia, ne conferencia di independencia. Despues e lo sali cu dr. Ramsahoye pa Den Haag, pa deliberacionnan tocante e kestion di frontera cu Surnam.

Ya caba e gobiernonan ingles y hu- landes a delibera tocante e problema aki. Nan a dicidi durante e delibera- cionnan di paz, despues dje guerranan napoleonista, que rio Corantyn lo ta e frontera. Pero despues tabatin den se- gunda parti di siglo 19 descubridornan, cu a constata que rio tin den su curso superior dos brazu.

MERCA TA PROTESTA FUERTE NA MOSCU

MOSCU, 11 oct. — Awe Merca a protesta fuerte serca Union Sovietica contra arrestacion di e teniente capitán Raymond Smith, kende recientemente a worde declara persona no desea na Union Sovietica, pasobra el a comete espionahie.

Den e protesta Merca ta rechaza fuertemente e acusacion contra Smith, quende tabata asistente di e agregado di marina na e embahada di Merca, cu l a comporta su mes di tal manera cu ta incompatible cu e status di un di- plomatico.

Na nan turno Merca ta acusa e ruso- nan di apasar di su inviolabilidad diplo- matico, sin embargo nan a tratele brutu y a usa violencia contra dje, dia cu nan a detene, 5 di october.

M. VIANA A BAI SHOW NA PORTORICO

SAN NICOLAS, 11 oct. — Sr. Ma- nuel Viana a sali ultimamente via Miami pa Portorico, pa diamars u.p. e gran Chrysler Show a cuminsa. Durante e encuentro aqui cu ta ser asisti pa ma- yor parti dje agentenan di Chrysler den America Latina, e modelnan di Chrys- ler di 1963 ta ser descubri pa di prome bez. Pa medio di causerianan i panel- discusionnan e agentenan ta ser pone na altura dje secretonan i particular- ridadnan dje modelnan nobo. Durante e convencion di Chrysler aqui nace a parti premionan tambe na agentenan cu a distingui nan particularmente. Tan- tu na anja 1960 como tambe na anja 1961, Sr. Viana tabata perenece na esnan cu a hanja un distincion. Na cuminzamentu di otro seman sr. Viana lo regresa 'trobe na Aruba. Ta spru cu e gran show di Viana Auto Supply lo ser teni e luna aqui mes.

COLEGANAN A TUMA DESPEDIDA DI J. VAN ZIJL

ORANJESTAD, 11 oct. — Dia Mars atardi eilandbestuur a ofrece un des- pedida den Club Caribe na sr. J. van Zijl hefe di Bearixschool y senjora. E encuentro a ser asisti pa deputado di en- senjanza F. Wernet, inspector di educa- cion P.T.M. Sprockel y hopi personal di openbare scholen. E deputado y sr. Sprockel a dirigi palabranan na sr. Van Zijl y a eogie pa su actividad y prestacionnan.

Sr. Van Zijl a responde den su discursu cu semper tabata un placer p'e di por a traha na Aruba y cu e isla aki tantu m'e como pa su senjora ta queda un bon luga di biba.

Despues dje parti oficial dje atardi aqui e presentenan a queda varios ratu mas hinlu na un manera dibertido.

COMPETITIE A.V.B.

Awenochi pa 7.30 den WILHELMINA STADION

BRASIL JRS vs. LUCKY STAR
(A KLASSE)

ENTRADA GENERAL Fl. 0.50

Sentencia nobo di criminalnan di gera

BONN, 11 oct. — Dia 2 di novem- ber proximo ta cuminsa na Bonn sen- tencia di 13 criminal di guerra, na kende nan ta pone acusacion di a ase- sina mas di 180.000 obrero of di com- plicitad na e asesinatonan aki.

Esaki lo ta un dje procesonan di mas grandi riba e terreno di criminal- nan di guerra, cu huskita di Alema- nia West a trata te ainda. Nan ta spera cu e proceso aki lo dura dos luna.

Nan lo sentencia 13 ex- guardia di un campo di destruccion na Kulmhof, na mas o menos 70 km. dje ciudad Po- laco, Lodz.

Seis dje acusadonan, cu nan ta culpa di asesinato ta detene. E sobra siete, nan ta acusa di complicitad na e ase- sinatonan aki.

Tres di e 13 nan tabata traha des- pues di guerra cerca polí di Alema- nia West y despues a hanja pension. E 180.000 victimanan, di cual nan ta

trata den e proceso aki, ta segun e acta di acusacion, mata den cambernan di gaz, cu por wordu transporta.

For di 1941 a yega na Kulmhof, diariamente hudionan di Ghetto y Lodz. Na yegada nan ta bisanan, cu despues di un consulta medico nan lo hanja trabao na Alemania. E hendenan aki, tantu muher, como homber y muchan- nan mester a kita nan panja. Y nan a hibanan pa un camber di gaz, cu por wordu transporta. Despues nan ta cende notor dje camion, y nan ta laga e gaskan dje notor drenta den e camber tur cerra aki.

Y despues e otro hudionan mester a kima e cadavernan aki den un lugar special y derranan den graznan grandi. Dos persona cu a sobrevivi e tortu- ranan dje campo aki lo ta e testigo- nan di mas importante. Esakinan ta biba na Israel y a testigua tambe du- rante proceso dje criminal di guerra, Adolf Eichmann, cu nan a cologa e anja aki na Tei Aviv.





NAVO A BIRA MAS FUERTE

WASHINGTON, 11 oct. — General J. E. Moore, jefe di e staf di NAVO na Europa, a bisa na un reunion na Washington di e sociedad di exercito mericano, cu NAVO den ultimo anja a bira mas fuerte riba diferente terreno. El a bisa tambe cu e posicion di comandancia supremo di NAVO, como consecuencia di e crisis na Berlin, a bira muchu mas fuerte.

General Moore a laga sa, cu e prontitud pa bringa di e forsan militar di NAVO den central Europa a subi dia prome di juni di e anja aki cu 25 porciento en comparacion cu e periodo dijes prome.

E general a termina su discurso cu un yamamento pa sigui standardis e equipo di NAVO y principalmente den Central Europa.

GENERAL RIKHYE A REGRESA NEW YORK

NACIONNAN UNI, 11 oct. — General Rikhye, consejero militar di e secretario general di N.U., Oe Thant, a regresa New York. El a declara na su yegada, cu e operacion di Nacionnan Uni den ex-Nieuw Guinea hulandes ta transcurri lihe y sin ningun incidente. El a bisa tambe, cu e unico problema cu tabatin tabata e exigencia di e papoceanan pa nan tin mag di bisa un bandera nacional y e problema a keda solucionado pacificamente.

Funcionarianan di Nacionnan Uni a suplica e liderman Papocea, cu den e acuerdo hulandes-indones nan no ta menciona un bandera papocea, di moda cu nan lo no reconoce e bandera ey.

E liderman di papocea a comprende e punto di bista di Nacionnan Uni, asina general Rikhye a bisa, y nan a dindi cu esnan cu kier bisa un bandera di Papocea por haci esey riba nan propio cas pero no riba edificionan publico.

PRUEBA NUCLEAR MERICANO

WASHINGTON, 11 oct. — E comision Mericano pa energia atomica, a anuncia, cu otro siman riba e territorio di isla Johnston, den pacifico nan lo tuma un prueba nuclear riba altura grandi. Nan a stipula tempu di explosion entre mitar di 12 y mitar di tres di 14 pa 15 di october. E ora aki ta ora di Hawaii, y e explosion ta depende di situacion di weer y tecnico.

Segun un anuncio, e explosion di prueba lo ta den sub clase di megaton, loke ta indica, cu e tin un forza explosivo di menso cu un million ton. E explosion lo tuma lugar na altura grandi.

Den e serio di pruebanan den atmosfera, cu Merca a tene e anja aki riba pacifico, solamente un habia a bira un exito, y wel dia nuebe di juli. Den e caso aki nan a usa un raket Thor cu a hiba e arma cientos di kilometer den espacio.

Tambe nan a usa raket die tipo Thor, na otro pruebanan cu a fracasa. For di e anuncio di comision di atoom a resulta, cu nan no sa cu nan lo usa un raket Thor na e prueba aki.

ATAKE RIBA HAF CUBANO

NEWYORK, 11 oct. — Ayera „Alpha 666“ un organisacion di Cubanonan desterra na Merca, a anuncia den un comunicado di guerra, cu gruponan di 15 te 25 Cubano, a ataca dialuna pasa e hafnan Cubano, Isabela de Sagua, y a mata 20 enemigo, entre kende tin Rusonan.

E rebeldenan Cubano, a logra yega Miami cu armanan cu nan a cohe. Algun di nan a hanja herida pero ningun a muri.

Den un anuncio „Alpha 66“, cu ta situa na Miami a bisa cu milicia Cubano y Rusonan a defende e haf Cubano Isabela Sagua.

Tambe nan a tira riba un campo, den cual tabatin milicia Cubano comunista y militarman Ruso. Y dilanti dje campo aki tabatin un portret gigantesco di Lenin.

A firma e anuncio aki: „Alpha 66“, „nos ta prefera morto cu hiba como esclavo“.

Our special cake of the week is:
Crema au Beurre Cake f 5.—
Delicious Pies a weekend treat for your family.
Every week:
FRESH CREAM CAKE Fl. 6.50
Rainbo Bakery Rainbo Bakery
ORANJESTAD SAN NICOLAS
Tel. 1327 Tel. 5064



OBSERVADORNAN DJE IGLESIA RUSO ORTHODOX NA CONCILIO

MOSCU, 11 oct. — Nan a tende di fuertenan fidedigno na Moscu, que iglesia Orthodox ruso, lo representa su mics ne concilio genral na Roma pa dos observador. Esakinan a sali awe cu un avion foi Moscu pa Roma. Nan a tuma e decision aki como consecuencia di bishita recien di monseñor Willebrands como delegado di cardinal Bea, cu ta enmarga cu e preparativon pe concilio, ne patriarca di Moscu.

E cardinal di Alemania, Bea, a duna un analyse den e numero especial di Observador Romano, den cua ta para e malcompreension grandi cu ta existi. Nan ta kere, cu Papa tin idea di haci un concilio pa un unificacion. Segun e cardinal, papa ta kere cu nan por logra unificacion solamente paso pa paso.

Prome nan mester acerca otro, y despues uni poco poco y yega asina pa un unificacion.

PRISONERONAN POLITICO NA ARGENTINA

BUENOS AIRES, 11 oct. — Circulonnan Argentino bon informa a bisa, cu ayera nan a pone algun prisionero politico, cu tabata lider dje di segundo plan dje organizacion Peronista, den libertad. E medida aki ta cu den kader dje politico, cu e minister nobo di asuntunan interino Rodolfo Martinez, a stipula ora cu el a acepta su puesto, y esaki, pa bolbe trece paz den e frontieran dje pais. Tambe e gobierno ta studia un revision dje seccion di 1956 cuminda nan a declara Peronismo ilegal.

E revision no ta contene solamente Peronismo, pero tambe fracconnan no Peronista cu ta sigi un linea democratico. Den circulonnan cu tin contact cu e ministerio di asuntunan interino nan a tende, cu e fecha dje eleccionnan genral di october 1963 a worde hiba bek pa fin di maart o april.

SITUACION NA YEMEN

AMMAN, 11 oct. — Radio Amman, cu ta na favor di Hassan, a anuncia diarazon anochi, cu na e ciudad reforsa situa na noord Yemen, Saada, a entrega su mes na trupanen di prins Hassan di Yemen. Segun e emisora di Jordania e ocupacion di e fortaleza di Saada a entrega su mes na unidatnan di Hassan. Tambe militarman di e prins a ocupa e aeropuerto di Saada, na cual e trupanen cu tabata ocupa e aeropuerto tambe a entrega nan mes.

Un avion cu ainda tabata den perfecta condicion a worde captura. Segun Radio Amman, trupanen di Yemen, cu a queda fiel na e prins di Yemen, ta saliendo den direccion di e capital Saan, cu e intencion di liberta esaki. Parce cu nan ta logra un victoria tras di otro. Radio Cairo a anuncia ayera noch cu unidatnan procedente di Soudie Arabia y Jordania a cruza frontera di Jeneb pero cu den lucha cu militarman republicano nan a sufrí derrotanan grave.

SUCESONAN NA ARGENTINA

BUENOS AIRES, 11 oct. — E generalnan di e Campo Rojo na Argentina, cu nan a aresta en conexcion cu e recien sucesonnan den e pais y cu tabata presu bordo di e bapor „Herna“, cu ta mara den haaf di Buenos Aires, a worde transporta pa un prison militar di Magdalena, algun cien kilometer for di e capital.

E sobra oficialnan, cu ta keda detene na Berna lo worde transporta despues, pa diferente otro guarnicionnan den e pais unda nan lo dindi mas aleu tocante nan.

Presidente Guido ayera a acepta e retiro di e minister di agricultura, Cesar Urien. E minister a entrega su onslag pasobra e no tabata di acuerdo cu e politica di su colega di asuntunan economico, Alsogaray.

Pa e mesun motibu e president y vice president di e institucionnan di estado pa vigilancia riba trigo y carni a laga sa cu nan kier baha di nan puesto.

Carlos Muniz, e minister nobo pa asuntunan di exterior di Argentina ayera lo cumpli cu su obligacionnan cu comprension pa su tarea den mundu liber, y cu e obligacionnan cu e tin pa proteha e hemisferio contra tur agresion.

E PRESUNAN CUBANO

HAVANA, 11 oct. — E abogado di New York James Donovan a declara, cu mayan lo e papia cu Fidel Castro tocante liberacion di 1113 presunan, cu a worde arresta durante e invasion cu a fracasa anja pasa na Cuba.

En relacion cu esaki nan ta informa, cu na Canada nan a pone un suma di 17 million dollar disponible pa Banco Nacional Cubano. Si e negociacionnan tocante liberacion di e presunan logra anto sobra di e 62 million dollar lo no worde paga na placa efectivo sino cu remednan.

MERCA TA PROTESTA FUERTE NA MOSCU

Den e nota mericano nan ta pidi e ministro ruso di exterior pa tuma e medidanan disciplinaria necesaria contra e funcionarianan ruso en kestion y pa duna e seguridad, cu un ta violencia di e inviolabilidad diplomatico di e miembros d e embahada mericano lo no sosode mas.

STRAVINSKY NA LENINGRAD

MOSCU, 11 oct. — E compositor mericano Igor Stravinsky a worde ricibi triunfalmente na Leningrad. El a hanja e recepcion aki en conexcion dje prome concierto cu el a duna den e ciudad na unda el a nace 80 anja pasa. El a dirigi dos di su composicionnan „Ode“ y „Orpheus“. E lider di orquesta Robert Kraft a dirigi „Sacre du Printemps“ cu tambe ta composicion di Stravinsky. Radio y television di Rusia a transmiti e concierto di Stravinsky.

Posiblemente Stravinsky lo regresa Moscu awe mainta, na unda prome ministr Chroestjef lo ricibiele.



Aqui nos ta mira e momento riba cual soeur ta firma e diploma di EHBO diamars anochi den aula di hospital Sta. Elisabeth. Luego nos ta mira riba e portret para: dr. T. A. J. Kroon (r.) y sr J. R. van Geffen (dr.).

BO HOROSCOPO PERSONAL

RIES
11 Maart — 20 April



TAURUS
11 April — 20 Mei



GEMINI
11 Mei — 20 Juni



CANCER
21 Juni — 22 Juli



LEO
23 Juli — 22 Augustus



VIRGO
23 Augustus — 22 September



LIBRA
23 September — 22 October



SCORPIO
23 October — 22 November



SAGITARIUS
23 November — 21 December



CAPRICORNUS
22 December — 19 Januari



ACUARIUS
20 Januari — 18 Februari



PISCES
19 Februari — 20 Miar



Trata na controla bo mes i no haci bo mes ridiculo cometiendo algun hecho cu por perjudica bo

Par presenta dificultadnan den bida familiar i matrimonial. Ta bo deber di trata na vence esquinan.

Cu kickmientu bo no ta salba for di bo dificultadnan.

Loque ta mas pisa mester pisa mas, principalmente den asunto di financia.

Bo mehor chensnan ta scordi den conversacion cu partners, advisor i confidentenan.

Un aspecto negativo lo pone awe bo confianza propio na prueba. Bai cu calma cu hendenan den bo ambiente.

Evita pa tur precio e tratamiento mucho puro; haci tur cos cu espacio, aunque cu otronan ta pura bo.

Esaki no ta tempo pa bo queda atras cu bo trabanon ni tampoco di lubida riba promesanan.

Bo por cai practicamente den trantamientoan impracticable. Controla bo mes tantu posible.

No larga orgullo of pasonan robez guia bo den asuntunan personal di bo cas of bo familia.

Algun di bo contactonan cu personanan queri, bijnanan of famia yega, por causa bo alegria inespera.

Militarman Federal ta bandona Mississippi

WASHINGTON, 11 oct. — Segun participacion di e ministerio di defensa 5900 solda d itrupanan federal, cu nan a manda Estado Mississippi en conexcion cu incidentenan racial, lo worde retira Ademas un parti di guardia nacional, cu nan a yama den servicio federal lo worde demobilisa.

Te ainda ta keda 10.000 solda di trupanen federal den e ciudad universitaria.

HOMERUN DI NOVATO TRESH A DUNA YANKEES TERCER VICTORIA

(Di nos retractor Deportivo)
Ayera den presencia di 63.165 fanaticos cu a paga entrada den Yankee Stadium cu mivena campeon di Liga Americana a supera e campeonnan di Liga Nacional cu anotacion di 5 carrera pa 3. Heroe indiscutible di victoria Yankee ta e novato leftfielder Tommy Tresh, kende den e octavo episodio cu dos empanjeron na base a conecta un homerun cu a desempata e partido poniendo New York ariba cu score di 5 pa 2.

Te na e momento ey e lanzador derecho di San Francisco Jack Sanford tabata dominando e fuerte refteronan di Manhattan completamente. Apenas tres hit nan tabata tin conecta.

Despues cu e dos promer inningnan a bai den blanco pa ambos equipo, San Francisco Giamta ta anota uno den habrimiento di e tercer. Jose Pagan, e

Portorikenio sobresaliente di e serie, a habri cu hit y ta bai segunda cu un bunt di sacrificio di Jack Sanford. huck Miller, heroe di e ultimo triunfo di San Francisco, ta conecta liega un tubey pa emputa Pagan.

Yankees cerrando e cuarto inning ta emputa e wegá. Despues cu Tresh a habri cu hit y ta bai segunda cu un bunt di sacrificio di Jack Sanford, huck Miller, heroe di e ultimo triunfo di San Francisco, ta conecta liega un tubey pa emputa Pagan.

Y e partido ta emputa pa di dos biaha den segundo mitad di e sexto. Cu bunt di hit Bobby Richardson, segunda base di Yankees, ta habri. Tresh ta pone bunt di sacrificio y Richardson por sigi te tercera ora cu Mantle ta roleteta pa segunda pa bira out number dos. Batando Roger Maris, e receptor di Gigantes ta comete parshall y asina Bobby Richardson ta cruza home cu e carrera di empute.

E triunfo di New York ta worde seya

Na Utrecht vispera di dia dje Concilio tabatin un encuentro di casti tur obispo-nan di Hulanda en a resta den misa huntu pa reza pidi Dios pa buena marcha dje Concilio.

den cierto di e octavo inning. Boyer y Kubek ta habri cu hit y na turno cu dos companjeron na base ta bin e novato Tommy Tresh. Esaki ta conecta un batario di homerun den rightfield emputando asina tres valioso carrera cu a pone Yankees ariba pa keda. Y esey tabata tur pa pitcher Jack Sanford, ya cu manager Alvin Dark a yama e tambe derecho Stu Miller pa bin releva. Miller ta logra cerra e inning sin mas danjo.

Den nan ultimo oportunidad ofensivo Gigantes ta logra un anotacion. Willie McCovey a habri e noveno cu hit over di segunda base. Felipe Alou a come pomeche pa promer out, pero Tom Haller ta sigi cu tubeyote den centerfield emputando McCovey for di primera cu e tercer carrera di San Francisco. Despues cu Jose Pagan ta sali cu roller pa short, partida ta termina cu un linea conecta door di pinch-hitter Ed Bailey den man di hardinero derecho Roger Maris. New York Yankees a gana pues cu score di 5 carrera pa 3. Cu e triunfo aki Yankees a bari ariba den e Serie 3 pa 2.

Debi na cu e equiponan a viaha pa San Francisco awe no tin wegá.

Majan atardi den Candelsticks Park na San Francisco e sexto wegá di e serie lo tuma lugar y si San Francisco logra emputa e serie pa di tres biaha anto lo ta necesario pa hunga e septimo partido, cual tambe lo ta den parke di e Gigantesman.

CARTA DI KENNEDY PA ADENAUER

BONN, 11 oct. — Adenauer a ricibi di president Kennedy un carta personal den cual e president mericano ta bolbe referi na e bon cooperacion cu tin entre Merca y Alemania Occidental, asina un funcionario di e gabinete di canceller Adenauer a bisa. E funcionario no kier a bisa nada di e contenido di e carta. Pero, den circulonnan bon na altura nan ta bisa, cu president Kennedy a bolbe muestra riba e necesidad pa sacrificionan pa e defensa comun di occidente.

Manera ta conoci e minister mericano di defensa, Robert McNamara, a bisa durante tin bishita cu recien el a haci na e forsanan militar mericano na Alemania, cu ta parce sigur, cu Alemania Occidental mester aumenta su gastunan di defensa.

MASAHIKO CAMPEON MUNDIAL PESO MOSCA

TOKIO, 11 oct. — E japonés Masahiko Harada a bira campeon mundial den e categoria peso mosca. Den di diesun round e japonés a manda Pone Kingpetch lona pa conto di diez.

Harada a bringa un pelea perfecto y na culminamento di diesun round e tabatin un ventaha chiqui di punto.

Den di diesun round Pone Kingpetch no por a haci nada contra di e ataque di e japonés y esaki ta probeccha pa manda Kingpetch sueta pa conto di diez y bai cu e victoria.

BUCHI ROBEZ

presenta pa cortesia di: REFRESQUERIA INGRID Tel. 1849

★ e mehor adres pa snacks, tur clase di dushi, softdrinks, ice-cream y revistas

